

Велможа 1-й

л. 10 об.

Есть зде во граде честны человек Димитрий,
 Благонравен, премудр, смиренный, нехитрый,
 Сей от честна в Солуне произыде рода,
 Которого родитель бяше воевода,
 Леть убо да на месте родителя будет,
 Тщанием того слава твоя не избудет.

Велможа 2-й

Преплагий есть твой совет, то и аз желаю,
 Димитриа в разуме, в нраве похваляю,
 Да будет отческого места наследитель,
 Солуня грады славна тшаливый хранитель.

Максимиан

Добре, грядите, совет ваш молю, да будет
 По прошении вашем Димитрий зде будет.
 Шедше ему рцете добро от нас слово,
 Любошествоие его да будет готово.

Велможа 1-й

Идем по мужа честна и придем с ним честно.
 [Пошли].

Максимиан

Идете, тому дая советы нелестно,
 Хвалю всех моих богов, что сие мне даша,
 Димитриа во власти во Солунь избраша,
 Вем, яко друг мне будет, храня град и люди,
 Димитрий воевода в Солуне пребуди.

Димитрий

л. 11

Здрастуй, Максимиане, славный властелине,
 Во всей твоей области силный господине,
 На слово ти указно текох немедленно,
 Творю делом, что будет словом ти веленно.

Максимиан

Друже, мой, Димитрие, хвалят тя народы,
 Аще юные еще имееши годы,
 Послушай ты словесе и с того (истого?) моего
 Пребуди родителя наследник твоего,
 Се ти Солунь вручаю, будь в нем воевода,
 Се ти честь дается богатство, свобода.

Димитрий

Вели (Велии?) мой господине, несть по моей силе,
 Не собудется, еже речеш словом в деле.
 Юн сый, толико иго не могу носити.
 Помилуй мя, да изволь иному вручити.
 Аз в ином твоем деле всегда слуга верный,
 Ярем же воеводства в тягосте безмерный.